

摘藻堂四庫全書薈要

集部

欽定四庫全書薈要卷一萬七千九百六十八

集部

御定全唐詩卷五百六十三

裴休

裴休字公美濟源人登進士第舉賢良方正異等擢累
監察御史兵部侍郎大中中拜同中書門下平章事詩
二首

題泐潭

泐潭形勝地祖塔在雲滑浩劫有窮日真風無墜時歲

華空自老消息竟誰知到此輕塵慮功名自可遺

贈黃蘗山僧希運

曾傳達士心中印額有圓珠七尺身挂錫十年棲蜀水
浮杯今日渡漳濱一千龍象隨高步萬里香華結勝因
擬欲事師為弟子不知將法付何人

令狐綯

令狐綯字子直楚之子舉進士擢累左補闕右司郎中
出為湖州刺史大中初召為考功郎中知制誥入翰林

為學士進中書舍人再遷兵部侍郎俄拜同中書門下
平章事懿宗嗣位出為河中節度使徙宣武淮南僖宗
時終鳳翔節度使封趙國公詩一首

登望京樓賦

夷門一鎮五經秋未得朝天不免愁因上此樓望京國
便名樓作望京樓

夏侯孜

夏侯孜字好學亳州譙人累遷婺絳等州刺史宣宗時

自兵部侍郎為同中書門下平章事懿宗立進司空尋
罷以太子少保分司東都詩一首

享太廟樂章

於鑠令主聖祚重昌興起教義申明典章俗尚素朴人
皆樂康積德可報流慶無疆

魏暮

魏暮字申之鄭公徵五世孫登進士第文宗時為右拾
遺擢諫議大夫武宗立貶信州長史宣宗嗣位召授給

事中遷御史中丞兼戶部侍郎俄進同中書門下平章
事大中十年領劍南西川節度使上疾求代拜吏部尚
書尋授檢校尚書右僕射集十卷今存詩一首

和重陽錫宴御製詩

四方無事去宸豫杪秋來入水寒光起千山霽色開

周墀

周墀字德升汝南人擢進士第辟湖南巡官入為監察
御史集賢殿學士李宗閔鎮山南表行軍司馬閱歲召

還以考功員外郎兼起居舍人事知制誥武宗即位改
工部侍郎出為義成節度使尋以兵部侍郎召判度支
進同中書門下平章事俄罷為劔南西川節度使詩二
首

賀王僕射放榜

文場三化魯儒生三十餘年振重名曾忝木雞誇羽翼
又陪金馬入蓬瀛

目注埤初年木雞賦及第常陪僕射守職內庭

雖欣月桂居

先折更羨春蘭最後榮欲到龍門看風雨關防不許暫

離營

酬李常侍

景讓

立秋日奉詔祭嶽見寄

秋祠靈嶽奉尊壘
風過深林古柏開
蓮掌月高珪幣列
金天雨露鬼神陪
質明三獻雖終禮
祈壽千年別上杯
豈是瑣才能祀事
洪農太守主張來

李景讓

李景讓字後已愷之孫
大中中歷御史大夫西川節度使
終太子少保分司東都諡曰孝詩一首

寄華州周侍郎墀立秋日奉詔祭嶽詩

關河豁靜曉雲開
承詔秋祠太守來
山霽蓮花添翠黛
路陰桐葉少塵埃
朱轡入廟威儀肅
玉佩昇壇步武回
往歲今朝幾時事
謝君非重我非才

句

成都十萬戶拋若一鴻毛

見北夢
瑣言

鄭顥

鄭顥字奉正宰相綱之孫登進士第官起居郎尚宣宗

女萬壽公主拜駙馬都尉歷禮部侍郎大中末檢校禮部尚書河南尹詩一首

續夢中十韻

并序

去年壽昌節赴麟德殿上壽迴憩於長興里第昏然晝寢夢與十數人納涼於別館館宇蕭灑相與聯句予為數聯同游甚稱賞既寤不全記諸聯唯有十字云石門霧露白玉殿莓苔青用杜甫句私怪語不祥書之於楹不敢言於人不數日上不豫

廢朝會及宮車上僊方悟其事追維顧遇續石門
之句為十韻云

間歲流虹節歸軒出禁扃奔波陶畏景蕭灑夢殊庭境
象非曾到崇巖昔未經日斜烏斂翼風動鶴飄梳一作翎

異苑人爭集涼臺筆不停石門霧露白玉殿莓苔青若
匪災先兆何緣思入冥御爐虛仗馬華蓋負云亭白日
成千古金滕闕九齡小臣哀絕筆湖上泣青萍

劉綺莊

劉綺莊昆陵人初為崑山尉宣宗時官州刺史集十卷
今存詩二首

揚州送人

桂檝木蘭舟楓江竹箭流故人從此去望遠不勝愁落
日低帆影歸風引櫂謳思君折楊柳淚盡武昌樓

置酒

酒熟人須飲春還鬢已秋願逢千日醉得遣百年愁卒
周姬旦棲棲魯孔丘平生能幾日不及且遨遊

張固

張固大中中嘗為桂管觀察使詩二首

重陽宴東觀山亭和從事盧順之

亂山青翠郡城東
爽節憑高一望通
交友會時絲管合
羽觴飛處笑言同
金英耀彩晴雲外
玉樹凝霜暮雨中
高詠已勞潘岳思
醉歡慙道自車公

獨秀山

孤峰不與衆山儔
直入青雲勢未休
會得乾坤融結意

擎天一柱在南州

劉臯

劉臯宣宗時鹽州刺史為監軍楊玄价所殺詩一首

長門怨

營營孤思通寂寂長門夜

夕一作

妾妬亦知非

君一作

君恩

那不借

惜一作

攜琴就玉階調悲聲未諧將心寄

託一作

明

月流影入君懷

李質

李質字公幹襄陽人擢進士第大中時官至江西觀察使詩一首

宿日觀東房詩

曾入桃溪路仙源信少雙洞霞飄素練蘚壁畫陰窗古木愁一作撐疑一作撐月危峰欲墮江自吟空向寂誰共倒秋缸

南卓

南卓字昭嗣初為拾遺因諫出宰松滋大中時為黔南經略使詩一首

贈副戎

翱翔曾在玉京天
墮落江南路幾千
從事不須輕縣宰
滿身猶帶御爐煙

李訥

李訥字敦正趙郡人大中時為浙東觀察使終兵部尚書太子太傅詩一首

命妓盛小叢歌餞崔侍御還闕

繡衣奔命去情多
南國佳人斂翠娥
曾向教坊聽國樂

金 卷五十一
為君重唱盛叢歌

崔元範

崔元範大中時以監察御史為浙東幕府詩一首

李尚書命妓歌餞有作奉酬

羊公留宴峴山亭洛浦高歌五夜情獨向柏臺為老吏
可憐林木響餘聲

楊知至

楊知至字幾之汝士之子登進士第初為浙東團練判

官後以北部郎中知制誥終戶部侍郎詩二首

和李尚書命妓歌餞崔侍御

燕趙能歌有幾人為花回雪似含顰聲隨御史西歸去
誰伴文翁怨九春

覆落後呈同年

由來梁燕與冥鴻不合翩翩向碧空寒谷謾勞鄒氏律
長天獨遇宋都風此時泣玉情雖異他日銜環事亦同
二月春光正搖蕩無因得醉杏園中

李明遠

李明遠大中中監察御史詩一首

送韋覲謫潘州

北鳥飛不到南人誰去遊
天涯浮瘴水嶺外向潘州
草木春秋暮猿猱日夜愁
定知遷客淚應只對君流

蕭鎮

蕭鎮大中時望江縣令詩一首

前望江麴令頌德

政績雖殊道且同無辭買石紀前功誰論重德光青史
過里猶歌臥轍風

盧順之

盧順之字子謨范陽人杞之孫大中時桂管從事詩一
首

重陽東觀席上贈侍郎張固

渡江旌旆動魚龍令節開筵上碧峰翡翠巢低巖桂小
茱萸房濕露香濃白雲郊外無塵事黃菊筵中盡醉容

好是謝公高興處夕陽歸騎出疎松

李善夷

李善夷與李羣玉同時謫宦灃陽江南集十卷今存詩
二首

責漢水辭

并序

春秋僖公四年齊桓公合諸侯之師盟于召陵責
楚之苞茅不入寡君之罪也敢不供給昭王南征
之不復君其問諸水濱按昭王南征至漢舟人膠

其舟王遂溺死杜預曰當時漢水未屬楚杜之注
其為謬哉且楚實殷之始封楚苦縣瀨鄉在漢水
東北六百餘里則漢水於西周之際豈未屬楚乎
又詩云撻彼殷武奮伐荆楚深入其阻裒荆之旅
鄭玄注云深入方城之阻也方城今在漢水北三
百里豈昭王時未屬楚乎屈完以齊桓所問之大
不敢他對但請自問於水濱之人言我不之知也
漢實屬楚久矣夫山林川澤天子祀之必有其神

楚人膠其船而禍其君神不能福神之罪也余過漢見其波濤滉漾而責其水詞曰

漢之廣兮風波四起雖有風波不如蹄涔之水蹄涔之水不為下國而傾天子漢之深兮其隄莫量雖云莫量不如行潦之汪行潦之汪不為下國而溺天王漢之美者曰魴吾雖饑不食其魴恐汚吾之饑腸

大隄曲

酒旗相望大隄頭隄下連檣隄上樓日暮行人爭渡急

漿聲幽軋滿中流

盧澥

盧澥浙東處士詩二首

金燈

疎莖秋擁翠幽艷夕添紅有月長燈在無烟燼火同香
濃初受露勢庫不知風應笑金臺上先隨曉漏終

和李尚書命妓餞崔侍御

烏臺上客紫髯公共捧天書靜境中桃朶不辭歌白苧

耶溪暮雨起樵風

趙牧

趙牧大中咸通間人詩一首

對酒

雲翁耕扶桑種黍養日烏手按六十花甲子循環落落
如弄珠長繩繫日未是愚有翁臨鏡捋白鬚飢魂弔骨
吟古書馮唐八十無高車人生如雲在須臾何乃自苦
八一一作七尺軀裂衣換酒且為娛勸君朝飲一瓢夜飲一

壺祀天崩雷騰騰桀

紂一作

非堯

舜一作

是何足憑桐君桂

父豈勝我醉裏白龍多上昇菖蒲花開魚尾定金丹始
可延君命

衷誠


衷誠聞喜人晉公度之從子官歷職方郎中太子中允
詩五首

南歌子詞三首

不是厨中弗爭知肉裏心井邊銀釧落展轉恨還深


不信長相憶擡頭問取天風吹荷葉動無夜不搖蓮
斡蠟為紅燭情知不自由細絲斜結網爭奈眼相鉤

新添聲楊柳枝詞


惡量大是惡姻緣只得相看不得憐願作琵琶槽那畔
得他 一作美人長抱在胸前

獨房蓮子没人看偷折蓮時命也拚若有所由來借問
但道偷蓮是下官

御定全唐詩卷五百六十三



總校官庶吉士 臣 張能照

校對官庶吉士 臣 許兆椿

校對官檢討 臣 蕭九成

謄錄監生 臣 馬植基

謄錄監生 臣 王元勛

欽定四庫全書會要

集部

御定全唐詩卷五百六十八
四至

詳校官原任主事 李斯咏

欽定四庫全書蒼要卷一萬七千九百六十九集部

御定全唐詩卷五百六十四

于興宗

宗大中時御史中丞守綿州後為洋州節度詩二



夏杪登越王樓臨涪江望雪山寄朝中知友

巴西西北樓堪望亦堪愁山亂江迴遠川清樹欲秋晴

明中雷嶺烟靄下漁舟寫寄朝天客知余恨獨遊

初在綿左

時作此詩和者李朋楊
半輩皆朝中之友也

東陽涵碧亭

金華志興宗寶歷
初令東陽初此亭

高低竹雜松積翠復留風
路劇陰溪裏寒生暑氣中

李朋

李朋刑部員外郎詩一首

奉酬綿州中丞以江山小圖遠垂賜及兼寄詩

巴江與雪山井邑共迴環
圖寫丹青內分明煙靄間
移君名郡興助我小齋閒
日想登臨處高蹤不可攀

楊宰

楊宰字松年弘農人父從田弘正死於趙軍宰走常山
二千里號伏叛壘求屍歸葬銜哀雨血時稱孝童年十
八登大中二年進士第最有詩名詩二首

奉酬于中丞登越王樓見寄之什

劍外書來日驚忙自拆封丹青得山水強健慰心胸事
少勝諸郡江迴見幾重寧悲久作別且似一相逢詩合
焚香詠愁應賴酒濃庾樓寒更憶腸斷雪千峰

贈舍弟

秦雲蜀浪兩堪愁，爾養晨昏我遠遊。
千里客心難寄夢，兩行鄉淚為君流。
早驅風雨知龍聖，餓食魚鰕覺虎羞。
袖裏鎔鄣光似水，丈夫不合等閒休。

句

蝦蟆欲喫月，保護常教圓。
心明外不察，月向懷中圓。

羅幃若不卷，誰道中無人。

牢性情急，累居幕府，主人多不容同列，有讒之者，與

之詩見語林

魁形下方天，頂亞二十四寸窻。中月

牢年六歲，母俾

就學誤入人家乃父友也方彈碁戲以局為題命俾賦之牢應聲而作見紀事

李續

李續趙郡人嘗為柳公綽幕僚終曹州刺史詩一首

和綿州于中丞登越王樓見寄

時為同州刺史

早年登此樓退想不勝愁地遠二千里時將四十秋

續相

從東川奏舉過綿州刺史韋洪皋尚書攜登此樓於今三十七年矣

遭屯多失路華皓任

虛舟詩酒雖堪使何因得共遊

李汶儒

李汝儒太和五年登第官翰林學士詩一首

和綿州于中丞登越王樓作

珍重巴西守殷勤寄遠情
劔峰當戶碧詩韻滿樓清
日照涪川闊煙籠雪嶠明
微黃看即及莫歎滯江城

田章

田章開成四年進士第詩一首

和于中丞夏杪登越王樓望雪山見寄

志乖多感物臨眺更增愁
暑候雖云夏江聲已似

一作報

秋雪遙難辨木村近好維舟莫恨歸朝晚朝簪擬勝遊
薛蒙

薛蒙考功郎詩一首

和綿州于中丞登越王樓作

左綿江上樓五馬此銷愁暑退千山雪風來萬木秋
迴猶刺郡繫滯似維舟即有徵黃日名川莫厭遊

李鄴

李鄴戶部郎詩一首

和綿州于中丞登越王樓作

長聽巴西事看圖勝所聞江樓明返照雪嶺亂晴雲景
象詩情在幽奇筆跡分使君徒說好不祇怨離羣

于瓌

于瓌字正德教之子大中七年進士第一人詩二首

和綿州于中丞登越王樓作二首

時為校書郎

樓因藩邸號川勢似依樓顯敞含清暑嵐

一作風

光入素

秋山宜姑射貌江泛李膺舟郢曲思朋執輕紗畫勝遊

極目郡城樓浮雲拂檻愁政成多暇日詩思動先秋遠
霽千巖雪隨波一葉舟昔曾窺粉繪今願許陪遊

王巖

王巖大中時布衣詩一首

和于中丞登越王樓

雉堞臨朱檻登茲便散愁蟬聲怨炎夏山色報新秋江
轉穿雲樹心閑隨葉舟仲宣徒有歎謝守幾追遊

劉睽

一作
騷

劉睽大中時鄉貢進士詩一首

題越王樓寄獻中丞使君

朱軒迥壓碧煙州昔歲賢王是勝遊
山簇劍峰朝闕遠水如巴字遠城流
人間物象分千里天上笙歌醉五侯
今日登臨無限意同霑惠化自銷愁

李渥

李渥大中時鄉貢進士後登第詩一首

秋日登越王樓獻于中丞

越王曾牧劔南州因向城隅建此樓橫玉遠開千嶠雪
暗雷下聽一江流畫簷先弄朝陽色朱檻低臨衆木秋
徒學仲宣聊四望且將詞賦好依劉

劉璐

劉璐嘗刺蜀州代于興宗為綿州刺史詩一首

洋州于中丞頃牧左綿題詩越王樓上朝賢繼
和輒課四韻

隔政代君侯多慚跡令猷山光來戶牖江鳥滿汀洲雅

韻徵朝客清詞寫郡樓至今謠未已注意在洋州

盧栢

一作
郁

盧栢弘文館學士詩一首

和于中丞登越王樓作

圖畫越王樓開緘慰別愁山光涵雪冷水色帶江秋雲
島孤征鴈煙帆一葉舟嚮風舒霽景如伴謝公遊

李體仁

李體仁續之子也官至江州刺史詩一首

飛鴻響遠音

漠漠微霜夕翩翩出渚鴻
清聲流迥野高韻入寥空
舊質經寒塞殘音響遠風
縈雲猶類網避月尚疑弓
弱羽雖能振丹霄竟未通
欲知多怨思聽取暮煙中

御定全唐詩卷五百六十四

欽定四庫全書蒼要卷一萬七千九百七十

集部

御定全唐詩卷五百六十五

韓琮

韓琮字成一

代一作

封初為陳許節度判官後歷中書舍人

湖南觀察使詩一卷

春愁

金烏長飛玉兔走青鬢長青古無有秦娥十六語如弦
未解貪花惜楊柳吳魚嶺鴈無消息水誓

一作

蘭情別

來久勸君年少莫遊春
煖風遲日濃於酒

牡丹

一作詠牡丹未開者

殘花何處藏盡在牡丹房
嫩蕊包金粉重葩結繡囊
雲

凝巫峽

一作山

夢簾閉

一作開

景陽粧應恨年華促
遲遲待

日長

興平縣野中得落星石
移置縣齋

的的墮蒼芊茫茫不記年
幾逢疑虎將應逐犯牛仙
擇地依蘭畹題詩問錦錢
何時成五色却上女媧天

題商山店

商山驛路幾經過未到仙娥見謝娥
紅錦機頭拋皓腕
綠雲鬟下送橫波佯嗔阿母留賓客
暗為王孫換綺羅
碧澗門前一條水豈知平地有天河

風

競持飄忽意何窮為盛為衰半不同
偃草喜逢新雨後
鳴條愁一作誰聽曉霜中
涼飛玉管來秦甸
暗裏花枝入楚宮
莫見東風便無定
滿帆還有濟川功

雲

深

一作輕

惹離情

一作愁

靄落暉如車如蓋早依依
山頭觸

石應常在天際從龍自不歸
莫向隙窻籠夜月好來仙
洞濕行衣春風淡蕩無心後
見說襄王夢亦稀

露

長隨聖澤墮堯天
濯遍幽蘭葉葉鮮
纔喜輕塵銷陌上
已愁新月到堦前
文騰要地成非久
珠綴秋荷偶得圓
幾處花枝抱離恨
曉風殘月正潛然

霞

應是行雲未擬歸，變成春態媚晴暉。
深如綺色斜分閣，碎似花光散滿衣。
天際欲銷重慘淡，鏡中間照正依稀。
曉來何處低臨水，無限鴛鴦妬不飛。

潁亭

潁上新亭瞰一川，幾重舊址敞。一作幽闕寒聲北，下當

軒水翠影西來撲檻山。遠目靜隨孤鶴去，高情常共白雲間。
知君久負巢由志，早晚相忘寂寞間。

詠馬

曾經伯樂識長鳴不似龍行不敢行
金埒未登嘶若是鹽車猶駕瘦何驚
難逢王濟知音癖欲就燕昭買駿名
早晚飛黃引同皂碧雲天上作鸞鳴

題圭峰下長孫家林亭

趙國林亭二百年綠苔如毯葛如煙
閒期竹色搖霜看醉惜松聲枕月眠
出樹圭峰寒壓坐入籬沙瀨碧流天
明知富貴非身物莫為金章墮地仙

牡丹

桃時杏日不爭濃葉帳

一作翠幄

陰成始放紅曉艷遠分金

掌露暮香深惹玉堂風名移蘭杜千年後貴擅笙歌百
醉中如夢如仙忽零落暮霞何處綠屏空

雨

陰雲拂地散絲輕長得為霖濟物名夜浦漲歸天塹闊
春風灑入御溝平軒車幾處歸頻濕羅綺何人去欲生

驚一作不及流他荷葉上似珠無數轉分明

京一作涼西即事

秋草河蘭起陣雲涼州唯向管絃聞豺狼毳幕三千帳
貔虎金戈一作郊十萬軍候騎北來驚有說成樓西望悔
為文昭陽亦待平安火誰握旌旗不見勳

公子行

紫袖長衫色銀蟬一作蟾半臂花帶裝一作長盤水玉鞍繡

坐雲霞別殿承恩澤飛龍賜渥注控羅青裊一作裹轡鏤

象碧熏一作重葩意氣傾一作催歌舞闌珊走鈿車袖障雲

縹緲釵轉鳳，欹斜珠卷迎。歸箔雕一作籠，晃醉紗唯無。
難夜日不得似仙家。

秋晚信州推院親友或責無書即事寄答

官信安仁拙書非，叔夜慵謬馳驄馬。傳難附鯉魚，封萬
里勞何補。千年運忝逢，不量橫草力。虛慕入雲蹤，潔水
空澄鑑。持鉛亦礪鋒，月寒深夜桂。霜凜近秋松，憲摘無
逃魏。寃申得夢馮，問狸將挾虎。殲蠹敢虞蜂，商吹移砧
調春華。改鏡容歸期，方一作晚積愁思。暮山重仙鼠，猶

驚燕莎雞欲變蛰唯應碧湘浦雲落及芙蓉

晚春江晴寄友人

一作晚春別

晚日低霞綺晴山遠畫眉春青

一作青青

河畔草不是望鄉

時

涼州詞

樹發花如錦鶯啼柳若絲更游歡宴地悲見別離時

莫春滄水送別

一作暮春送客

綠暗紅稀出鳳城暮雲樓閣

一作宮闕

古今情行人莫聽宮

前水流盡年光是此聲

駱谷晚望

秦川如畫渭

一作柳

如絲去國還家

一作鄉

一望時公子王

孫莫來好嶺花多是斷腸枝

二月二日遊洛源

舊苑新晴草似苔人還香

一作鄉

在踏青迴

一作間

今朝此

地成惆悵已後逢春更莫來

柳

一作和白樂天詔取永豐柳植上苑時為東都留守

折柳歌中得翠條，遠移金殿種青霄。上陽宮女含

一作吞

聲送不忿

一作忍

先歸舞細

一作學舞

腰

楊柳枝

梁苑隋堤事已空，萬條猶舞舊春風。那堪更想千年後，誰見楊花入漢宮。

楊柳枝詞

枝鬪纖腰葉鬪眉，春來無處不如絲。霸陵原

一作橋

上多

離別少有長條拂地垂

御定全唐詩卷五百六十五

欽定四庫全書蒼要卷一萬七千九百七十一集部

御定全唐詩卷五百六十六

王傳

王傳大中三年登第辟山南觀察判官加授監察御史

詩一首

和襄陽徐相公商賀徐副使加章綬

一作和徐商賀盧員

外賜
緋魚

朱紫聯輝照日新芳菲全屬斷金人華筵重處宗盟地

白雪飛時郢曲春
仙府色饒攀桂侶
蓮花光讓握蘭身
自憐亦是膺門客
吟想恩榮氣益振

盧鄴

盧鄴大中四年登第為浙東觀察副使詩一首

和李尚書命妓餞崔侍御

何郎載酒別賢侯
更吐歌珠宴庾樓
莫道江南不同醉
即陪舟楫上京游

陸肱

陸肱大中九年登進士第咸通六年自前振武從事試
平判入等後牧南康郡詩一首

松

雪霜知勁質今古占嘉名斷砌盤根遠疎林偃蓋清鶴
棲何代色僧老四時聲鬱鬱心彌久煙高萬井生

崔澹

崔澹字知之博陵人父璵兄弟八人並顯貴時謂崔氏
八龍大中十三年登第終吏部侍郎詩一首

贈王福娘

一作贈美人

怪得清

一作輕

風送異香嫋婷仙子曳霓裳惟應錯認偷

桃客曼倩曾為漢侍郎

莫宣卿

莫宣卿字仲節封州人大中間舉第一官台州別駕詩
三首

答問讀書居

書屋倚麒麟不同牛馬路牀頭萬卷書溪上五龍渡井

汲冽寒泉桂花香玉露茅簷無外物只見青雲護

百官乘月早朝聽殘漏

建禮儼朝冠重門耿夜闌碧空蟾魄度清禁漏聲殘候
曉車輿合凌霜劍佩寒星河猶皎皎銀箭尚珊珊杳靄
祥光起霏微瑞氣攢忻逢聖明代長願接鸞鸞

賦得水懷珠

長川含媚色波底孕靈珠素魄生蘋末圓規照水隅淪

連冰彩動蕩漾瑞光鋪迴夜

一作夜迴

星同貫清秋

一作秋清岸

不枯江妃思在掌海客亦忘軀合浦當還日恩威信已
敷

句

我本南山鳳豈同凡鳥羣

見封川志

封彥卿

封彥卿蓆人大中進士第咸通中累官中書舍人坐于
琮貶司戶詩一首

和李尚書命妓餞崔侍御

蓮府纔為綠水賓

舊注庾杲之在王儉幕府似芙蓉泛綠水故有此句

忽乘驄馬

入咸秦為君唱作西歌調日暮偏傷去住人

李節

李節登大中進士第嘗為河東節度盧鈞巡官詩三首

贈釋疏言還道林寺詩

有序

會昌季年武宗大翦釋氏巾其徒且數萬人民隸其居容貌於土木者沈諸水言詞於紙素者烈諸火分命御史乘驛走天下察敢隱匿者罪之由是

天下名祠珍宇毀撤如掃天子建號之初雪釋氏之不可廢也詔徐復之而自湖已南遠人畏法不能酌朝廷之體前時焚撤書像殆無遺者故雖明命復許創立莫能得其書道林寺湘川之勝游也有釋疏言警辨有謀獨曰太原府國家舊都多釋祠我聞其帥司空范陽公天下仁人我第往求釋氏遺文以惠湘川之人宜其聽我而助成之矣即杖而北游既上謁軍門范陽公果諾之因四求散

逸不成蘊帙者至釋祠而不見焚而副剝者又命
講丐以補繕缺漏者未幾凡得釋經五千四十八
卷以大中九年秋八月輦自河東而歸於湘焉喜
釋氏之助世既言之矣向非我君洞察理源其何
能復立之即既立之且亡其書非有疏言識遠而
誠堅孰克洪之耶吾嘉疏言奉君之令演釋之宗
不憚寒暑之勤德及遠人為叙其事且贈以詩

湘川狺狺兮俗獷且佞利殺業偷兮吏莫之馴繫釋氏

兮易暴使仁釋何在今釋在斯文

湘水滔滔兮四望何依
猿猱騰擊兮雲樹飛飛
月沈浦兮煙暝山檣
席卷兮櫓牀間偃仰
兮嘯詠鼓長江兮何時還

湘川超忽兮落日晚晚
松覆秋亭兮蘭被春苑
上人去兮幾千里何日
同遊兮湘川水

韋蟾

韋蟾字隱珪下杜人大中登進士第初為徐商掌書記

咸通末終尚書左丞詩十首

和柯古窮居苦日喜雨

貞機澹少思雅尚防多僻攬葛猶不畏勞形同處瘠頭
焦詎是焚背汗寧闕炙方欣見潤礎那虞悲鑠石道與
古人期情難物外適幾懷朱邸綬頗曠金門籍清興已
蕭蕭陳柯將槭槭玉律詩調正瓊卮酒腸窄衣桁襲中
單浴牀拋下綌黎侯寓於衛六義非凡格

岳麓道林寺

石門迥接蒼梧野，愁色陰深二妃寡。
廣殿崔嵬萬壑間，長廊詰曲千巖下。
靜聽林飛念佛鳥，細看壁畫馱經馬。
暖日斜明蟬竦梁，濕烟散畧鴛鴦瓦。
北方部落檀一作泥

香塑西國文書貝葉寫，壞欄迸竹醉好題。
窄路垂藤困堪把，沈衰筆力鬪雄壯。
宋杜詞源兩風雅，他方居士來施齋。
彼岸上人投結夏，悲我未離擾擾徒。
勸我休學悠悠者，何時得與劉遺民同入東林遠公社。

卜元

一作奉
和山燈

三首

新正圓月夜尤重看燈時累塔嫌沙細成文訝筆遲歸
牛疑燧落過鴈悞書遲生惜蘭膏燼還為隔歲期
舉燭光纔起揮毫勢競分點時驚墜石挑處接崩雲辭
異秦丞相銘非竇冠軍唯愁殘焰落逢玉亦俱焚
多寶神光動生金瑞色浮照人低入郭伴月夜當樓熏
穴應無取焚林固有求夜闌陪玉帳不見九枝留

梅

高樹臨溪豔低枝隔竹繁何須是桃李然後欲忘言擬

折魂先斷須看眼更昏誰知南陌草却解望王孫

送盧潘尚書之靈武

賀蘭山下果園成塞北江南舊有名水木萬家朱戶暗
弓刀千隊鐵衣鳴心源落落堪為將膽氣堂堂合用兵
却使六番諸子弟馬前不信是書生

題僧壁

一竹橫簷挂淨巾竈無煙火地無塵剃頭未必知心法
要且閒於名利人

贈商山僧

商嶺東西路欲分
兩間茅屋一溪雲
師言耳重知師意
人是人非不欲聞

長樂驛謔李湯給事題名

渭水秦川拂

一作照

眼明希仁

一作笑人

何事寡詩情
只應學

得虞姬媢書字
纔能記姓名

句

爭揮鉤弋手
競聳踏搖身
傷頰詎關舞
捧心非效嚬

襄陽

風光亭夜宴有妓
醉殿賦 見紀事

盧渥

盧渥字子章范陽人大中進士第歷中書舍人陝府觀
察使終檢校司徒詩二首

賦得壽星見

玄象今何應時和政亦平祥為一人壽色映九霄明皎
潔垂銀漢光芒近斗城舍規同月滿表瑞得天清甘露
盈條降非煙向日生無如此嘉祉率土荷秋成

題嘉祥驛

交親榮餞洛城空
秉鉞戎裝上將同
星使自天丹詔下
雕鞍照地數程中
馬嘶靜谷聲偏響
旆映晴山色更紅
到後定知人易化
滿街棠樹有遺風

郭夔

一作
藁

郭夔大中時江南進士詩一首

九華山

巖翠凌雲出迥然
峒峩萬丈倚秋天
暮風飄送當軒色

曉霧斜飛入檻煙簾捲倚屏雙影聚鏡開朱戶九條懸
畫圖何必家家有自有畫圖來目前

柳珪

柳珪公綽之孫大中中擢進士杜棕表為西川幕府後
以藍田尉直弘文館遷右拾遺終衛尉少卿詩一首

送莫仲節狀元歸省

青驄聚送謫仙人南國榮親不及君椰子味從今日近
鷓鴣聲向舊山聞孤猿夜叫三湘月匹馬時侵五嶺雲

想到故鄉應臘過藥欄猶有異花薰

御定全唐詩卷五百六十六

欽定四庫全書薈要卷一萬七千九百七十二

集部

御定全唐詩卷五百六十七

鄭嵎

鄭嵎字賓先大中五年進士第詩一首

津陽門詩

并序

津陽門者華清宮之外闕南局禁闈北走京道開
成中嵎常得羣書下帷於石甕僧院而甚聞宮中
陳迹焉今年冬自號而來暮及山下因解鞍謀餐

求客旅邸而主翁年且艾自言世事明皇夜闌酒
餘復為嶠道承平故實翼日於馬上輒裁刻俚叟
之話為長句七言詩凡一千四百字成一百韻止
以門題為之目云耳

津陽門北臨通達雪風獵獵飄酒旗泥寒欵跂蹶不進
疲童退問前何為酒家顧客催解裝案前羅列樽與卮
青錢瑣屑安足數白醪軟美甘如飴開壚引滿相獻酬
枯腸渴肺忘朝飢愁憂似見出門去漸覺春色入四肢

主翁移客挑華燈雙肩隱膝烏帽敬笑云鮎老不為禮
飄蕭雪鬢雙垂頤問余何往凌寒曦顧翁枯朽郎豈知
翁曾豪盛客不見我自為君陳昔時時平親衛號羽林
我纔十五為孤兒射熊搏虎衆莫敵彎弧出入隨欬飛

開元中未有東西神策軍但以六軍為親衛

此時初創觀風樓簷高百尺堆

華棖樓南更起鬪雞殿晨光山影相參差

觀風樓在宮之外東北隅

屬夾城而連上內前臨馳道周視山川寶應中魚朝恩毀之以修章敬今遺址尚存唯鬪雞殿與毬場迤邐尚在

其年十月移禁仗山下櫛比羅百司朝元閣成老君

見會昌縣以新豐移

時有詔改新豐為會昌縣移自陰
鰲故城置於山下至明年十月老

君見於朝元閣南而於其處置降聖觀復改新豐為
昭應縣廨宇始成令大將軍高力士率禁樂以落之幽

州曉進供奉馬玉珂寶勒黃金羈

安祿山每進馬必殊
持而極銜勒之飾

五王扈駕夾城路傳聲校獵渭水湄羽林六軍各出射

籠山絡野張罝維彫弓繡鞞不知數翻身滅沒皆蛾眉

赤鷹黃鸝雲中來妖狐狡兔無所依人煩馬殆禽獸盡

百里腥膻禾黍稀

申王有高麗赤鷹岐王有北山黃鸝
逸翮奇姿特異他等上愛之每弋獵

必置於駕前
目為決勝兒暖山度臘東風微宮娃賜浴長湯池刻成

玉蓮噴香液漱迴烟浪深透迤

宮內除供奉兩湯池內外更有湯十六所長湯

每賜諸嬪御其修廣與諸湯不侔甃以文瑤寶石中央有玉蓮捧湯泉噴以成池又絳緞綺繡為鳧雁於水中

上時於其間泛銀鏤小舟以嬉遊馬

犀屏象薦雜羅列錦鳧繡雁相追隨

破簪碎鈿不足拾金溝殘溜和纓綉上皇寬容易承事

十家三國爭光輝繞牀呼盧恣擲博張燈達晝相謾欺
相君侈擬縱驕橫日從秦虢多游嬉朱衫馬前未滿足

更驅武卒羅旌旗

楊國忠為宰相帶劍南節度使常與秦虢聯轡而出更於馬前以兩川旌

節為導也

畫輪寶軸從天來雲中笑語聲融怡鳴鞭後騎何

躑躅宮粧襟袖皆仙姿青門紫陌多春風風中數日殘

春遺驪駒吐沫一奮迅路人擁篲爭珠璣

事盡載在國史中此下更

重叙其事八姨新起合歡堂翔鷗賀燕無由窺萬金酬工不

肯去矜能恃巧猶嗟咨

號國創一堂價費萬金堂成工人償價之外更邀賞伎之直復

受絳羅五千段工者嗤而不顧號國異之問其由工曰某生平之能殫於此矣苟不知信願得螻蟻蜡蜴蜂蠶之類去其目而投於堂中使有隙失一物即不論工直也於是又以繒綵珍貝與之山下人至今話故事者尚以第行呼四方節制傾附媚窮奢極侈沽恩私堂中特

諸姨馬

設夜明枕銀燭不張光鑒帷

號國夜明枕置於堂中光燭一室西川節度使所進

事載國史
略書之

瑤光樓南皆紫禁梨園仙宴臨花枝迎娘歌

喉玉窸窣蠻兒舞帶金歲旌

瑤光樓即飛霜殿之北門迎娘蠻兒乃梨園弟子之

名聞者三郎紫笛弄烟月怨如別鶴呼羈雌玉奴琵琶龍

香撥倚歌促酒聲嬌悲

上皇善吹笛常寶一紫玉管貴妃妙彈琵琶其樂器聞於人間

者有邏迤檀為槽龍香拍為撥者上每執酒卮必令迎娘歌水調曲遍而太真輒彈弦倚歌為上送酒內中皆以上為三郎玉奴乃太真小字也飲鹿泉邊春露晞粉梅檀杏飄朱墀

金沙洞口長生殿玉蘂峰頭王母祠

山城內多馴鹿流澗號為飲鹿有長

生殿乃齋殿也有事於朝元閣即御長生殿以沐浴也

禁庭術士多幻化上前較

勝紛相持羅公如意奪顏色三藏袈裟成散絲

上頗崇羅公遠

楊妃尤信金剛三藏上嘗幸功德院將謁七聖殿忽然背痒公遠折竹枝化作七寶如意以進上大喜顧謂金剛曰上人能致此乎三藏曰此幻術耳僧為陛下取真物乃於袖中出如意七寶炳耀而光遠所進即時復為竹枝耳後一日楊妃始以二人定優劣時禁中將創小殿三藏乃舉一鴻梁於空中將中公遠之首公遠不為動容上連命止之公遠飛符於他處竊三藏金欄袈裟於簾中守者不之見三藏怒又咒取之須臾而至公遠復喫水龍符於袈裟上散為絲縷以盡也

蓬萊池上望秋月無雲萬里懸清

輝上皇夜半月中去三十六宮愁不歸月中秘樂天半

間丁璫玉石和墮簾宸聰聽覽未終曲却到人間迷是

非葉法善引上入月宮時秋已深上苦淒冷不能久留
歸於天半尚聞仙樂及上歸且記憶其半遂於笛中

寫之會西涼都督楊敬述進婆羅門曲與其聲調相符
遂以月中所聞為之敬序用敬述所進曲作其腔而名

霓裳羽衣法曲 千秋御節在八月會同萬國朝華夷花萼樓南

大合樂八音九奏鸞來儀都盧尋橦誠齶齶公孫劍伎

方神奇馬知舞徹下牀榻人惜曲終更羽衣上始以誕聖日為千

秋節每大酺會必於勤政樓下使華夷縱觀有公孫大
娘舞劍當時號為雄妙又設連榻令馬舞其上馬衣紈

綺而被鈴鐸驥首奮鬣舉趾翹尾變態動容皆中音律
又令宮妓梳九騎仙髻衣孔雀翠衣佩七寶瓔珞為霓

裳羽衣之類曲終珠翠可掃其舞馬祿山亦將數足以
歸而私習之其後田承嗣代安有存者一旦於廐上聞

鼓聲頓挫其舞鹿人惡之舉篲以擊之其馬尚為怒未
妍妙因更奮擊宛轉曲盡其態廝恐以告承嗣以為妖
遂戮之而舞
馬自此絕矣
祿山此時侍御側金雞畫障當不患繡綉

衣祿日肩顛甘言狡計愈嬌癡

上每坐及宴會必令祿山坐於御座側而以金

雞障隔之賜其箕踞太真又以為子時襪祿戲而加之
上亦呼之祿兒每入宮必先拜貴妃然後拜上上笑而
問其故輒對曰臣本蕃中人詔令上路建甲第樓通走
禮先拜母後拜父是以然也

馬如飛翬大開內府恣供給玉缶金筐銀簸箕

時於親仁里南

陌為祿山建甲第令中貴人督其事仍謂之曰卿善為
部署祿山眼孔大勿令笑我至於箒筐簸箕缶缶之具
咸金銀為之今四
元觀即其故第耳異謀潛熾促歸去臨軒賜帶盈十圍

祿山肥博過人腹垂而
緩帶十五圍方周體

忠臣張公識逆狀日日切諫上

弗疑

張曲江先識其必反逆狀數數言於上上曰卿勿以王夷甫識石勒而誤疑祿山耳

湯成召

浴果不至潼關已溢漁陽師御街一夕無禁鼓玉輅順

動西南馳

其年賜柑子使回泣訴祿山反狀云臣幾不得生還上猶疑其言復遣使喻云我為卿造

一湯待卿至使回荅言反狀上然後憂疑即寇軍至潼關矣

九門回望塵坐多六龍

夜馭兵衛疲縣官無人具軍頓行宮徹屋屠雲螭

時郊畿草

擾無御頓之備上命徹行宮木宰御馬以饗士卒

馬嵬驛前駕不發宰相射殺

寬者誰長眉鬢髮作凝血空有君王潛涕洟青泥坂上

到三蜀金堤城邊止九旂移文泣祭昔臣墓度曲悲歌

秋雁辭

駕至蜀詔中貴人馳祭張曲江墓悔不納其諫又過劔閣下望山川忽憶水調辭云山川滿目

淚沾衣富貴榮華能幾時不見只今汾水上唯有年年秋雁飛上泣然流涕顧問左右曰此誰人詩從臣對曰此李嶠詩復掩泣曰明年尚父上捷書洗清觀闕收封

李嶠真可謂才子也

畿兩君相見望賢宮君臣鼓舞皆獻歎

望賢宮在咸陽之東數里時明

皇自蜀回肅宗迎駕上皇自致傳國璽於上上獻歎拜受左右皆泣曰不圖今日復觀兩君相見之禮駕將入開遠門上皇疑先後入門不決顧問從臣不能對高力士前曰上皇雖尊皇帝主也上皇偏門而先行皇帝正門而人後行者老皆呼萬歲當時皆是之宮中親呼高驃騎潛令改葬楊真

妃花膚雪豔不復見空有香囊和淚滋

時肅宗詔令改葬太真高力士

知其所瘞在嵬坡驛西北十餘步當時乘輿匆遽無復備周身之具但以紫縵裹之及改葬之時皆已朽壞惟有胸前紫繡香囊中尚得冰麝鑿輿却入華清宮滿山香時以進上皇上皇泣而佩之

紅實垂相思飛霜殿前月悄悄迎春亭下風颼颼

飛霜殿即

寢殿而白傅長恨歌以長生殿為寢殿殊誤矣上皇至明年復幸華清宮信宿乃回自此遂移處西內中矣

雪衣女失玉籠在長生鹿瘦銅牌垂象牀塵凝罨颯被

畫檐蟲網頗黎碑

太真養白鸚鵡西國所貢辨惠多辭上尤愛之字為雪衣女上常於芙蓉

園中獲白鹿惟山人王旻識之曰此漢時鹿也上異之令左右周視之乃於角際雪毛中得銅牌子刻之曰宜

春苑中白鹿上由是愈愛之移於北山目之曰仙客上
止華清卷颯公主嘗為上晨召聽按新水調主愛起晚
遽冒珍珠被而出及寇至倉惶隨駕出宮後不知省及
上歸南內一旦再入此宮而當時卷颯之被宛然而塵
積矣上尤感焉溫泉堂碑其石瑩
澈見人形影宮中號為頗黎碑

碧菱花覆雲母陵風

篁雨菊低離披真人影帳偏生草果老藥堂空掩扉

真人

李順興後周時修道北山神堯皇帝受禪真人潛告符
契至今山下有祠宇宮中有七聖殿目神堯至睿宗建
寶后皆立衣衮衣繞殿石榴樹皆太真所植俱擁腫矣
南有功德院其間瑤壇羽帳皆在焉順興影堂果老藥
室亦在鼎湖一日失弓劍橋山煙草俄霏霏空聞玉椀
禁中也

入金市但見銅壺飄翠帷開元到今踰十紀當初事跡

皆殘隕竹花唯養樓梧鳳水藻周游巢葉龜會昌御宇
斥內典去留二教分黃緇慶山汙瀦石甕毀紅樓綠閣
皆支離奇松怪柏為樵蘇童山智谷亡嶮巖煙中壁碎

摩詰畫雲間字失玄宗詩

持國寺本名慶山寺德宗始改其額寺有綠額複道而上

天后朝以禁臣取宮中制度結構之石甕寺開元中以
創造華清宮餘材修繕佛殿中玉石像皆幽州進來與
朝元閣道像同日而至精妙無比叩之如磬餘像並楊
惠之手塑肢空像皆元伽兒之制能妙纖麗曠古無儔
紅樓在佛殿之西巖下臨絕壁樓中有玄宗題詩草八
分每一篇一體王右丞山水兩壁寺毀之後皆失之矣
摩詰乃王維之字也

石魚巖底百尋井銀牀下卷紅綆遲當時清

影蔭紅葉一旦飛埃埋素規

石魚巖下有天絲石其形如甕以貯飛泉故上以石

甕為寺名寺僧於上層飛樓中縣轆轤叙引修竿長二百餘尺以汲甕泉出於紅樓喬樹之杪寺既毀拆石甕

今已埋沒矣

韓家燭臺倚林杪千枝燦若山霞摛昔年光彩

奪天月昨日銷鎔當路岐

韓國為千枝燈臺高八十尺置於山上每至上元夜則然

之千光奪月凡百里之內皆可望焉龍宮御榜高可惜火焚牛挽臨崎嶇

孔雀松殘赤琥珀鴛鴦瓦碎青琉璃

寺額睿宗在藩邸中所題也標於危

樓之上世傳孔雀松下有赤茯苓入土千年則成琥珀寺之前峯古松老柏洎乎嘉草今皆樵蘇蕩除矣今

我前程能幾許徒有餘息筋力羸逢君話此空灑涕却

憶歡娛無見期主翁莫泣聽我語寧勞感舊休吁嘻河
清海晏不難覩我皇已上昇平基湟中土地昔湮沒昨夜
收復無瘡痍戎王北走棄青塚虜馬西奔空月支兩逢
堯年豈易偶願翁頤養豐膚肌平明酒醒便分首今夕
一樽翁莫違

崔櫓

一作
魯

崔櫓大中時舉進士

一作廣明
中進士

仕為棣州司馬無機集

四卷今存詩十六首

春日

一本此下有
長安二字

即事

一百五日又欲來梨花梅花參差開行人自笑不歸去
瘦馬獨吟真可哀杏酪漸香鄰舍粥榆煙將變舊爐灰
畫橋春暖清歌夜肯信愁腸日九迴

春晚岳陽言懷二首

煙花零落過清明異國光陰老客情雲夢夕陽愁裏色
洞庭春浪坐來聲天邊一與舊山別江上幾看芳草生
獨倚闌干意難寫暮笳嗚咽調孤城

翠煙如鈿柳如環晴倚南樓獨看山江國草花三月暮
帝城塵夢一年間虛舟尚歎縈難解飛鳥空慚倦未還
何似不羈詹父伴睡煙歌月老潺潺

過蠻溪渡

綠楊如髮雨如煙立馬危橋獨喚船山口斷雲迷舊路
渡頭芳草憶前年身隨遠道徒悲梗詩賣明時不值錢
歸去楚臺還有計釣船春雨日高眠

岸梅

含情含怨一枝枝斜壓漁家短短籬
惹袖尚餘香半日向人如訴雨多時
初開偏稱一作已入雕梁畫未落先愁玉
笛吹行客見來無去意解帆煙浦為題詩

重陽日次荆南路經武寧驛

茱萸冷吹溪口香菊花倒遶山脚黃
家山去此強百里弟妹待我醉重陽
風健早鴻高曉景露清圓碧照秋光
莫看時節年年好暗送搔頭逐手霜

述懷

白首成何事無歡可替悲空餘酒中興猶似少年時

三月晦日送客

野酌亂無巡送君兼送春明年春色至莫作未歸人

華清宮三首

草遮回磴絕鳴鑾雲樹深深碧殿寒明月自來還自去
更無人倚玉欄干

障掩金雞蓄禍機翠華西拂蜀雲飛珠簾一閉朝元閣
不見人歸見燕歸

門橫金鎖悄無人
落日秋聲渭水濱
紅葉下山寒寂寂
濕雲如夢雨如塵

題雲夢亭

薄煙如夢雨如塵
霜景晴來卻勝春
好住池西紅葉樹
何年今日伴何人

有酒失於虔州陸郎中肱以詩謝之

一作酒後
謝陸虔州

醉時顛蹶醒時羞
麴蘖推人不自由
叵耐一雙窮相眼
不堪花卉在前頭

聞笛

一作華
清宮

銀河漾漾月暉暉
樓礙星邊織女機
橫玉叫雲天似水
滿空霜逐一聲飛

山路見花

曉紅初

一作輕

拆露香新獨立空山冷笑人

一作春

春意自

知無主惜恣風吹逐馬蹄塵

暮春對花

病香無力被風欺
多在青苔少在枝
馬上行人莫回首

斷君腸是欲殘時

句

強半瘦因前夜雪數枝愁向晚天來

梅花以下
並見撫言

無人

解把無塵袖盛取殘香盡日憐

蓮花

一番春雨吹巢冷

半朶山花咽背香

山鵲

雲生柱礎降龍地露洗林巒放

鶴天菱葉乍翻人採後荇花初沒舸行時

見池上
詩史

御定全唐詩卷五百六十七

欽定四庫全書薈要卷一萬七千九百七十三

集部

御定全唐詩卷五百六十八

李羣玉

李羣玉字文山澧州人性曠逸赴舉一上而止惟以吟詠自適喪休觀察湖南延致之及為相以詩論薦授弘文館校書郎未幾乞假歸卒集三卷後集五卷今編詩三卷

烏夜號

一作啼

層波隔夢渚

一作時

一望青楓林有鳥在其間達曉自悲

吟是時月黑天四野煙雨深如聞生離哭其聲痛人心

悄悄夜正長空山響哀音遠客不可聽坐愁華髮侵既

非蜀帝魂恐是桓一作恒山禽四子各分散母聲猶至今

昇仙操

羸女去秦宮瓊笙

一作簫

飛

一作生

碧空鳳臺閉煙霧鸞吹

飄天風復聞周太子亦遇浮丘公鼓簧發天

一作仙

弄輕

舉紫霞中濁世不久駐清都路何窮一去霄漢上世人

那得逢

雨夜呈長官

遠客坐長夜雨聲孤
寺秋請量東海水看取淺深愁
窮重於山終年壓人頭
朱顏與芳景暗赴東波流
鱗翼思風水青雲方阻修
孤燈冷素豔蟲響寒房幽
借問陶淵明何物號忘憂
無因一酩酊高枕萬情休

小弟艤南遊近書來

一作近來書

湘南客帆稀遊子寡消息
經時停尺素望盡雲邊翼
笑

言頻

一作憑

夢寐獨立想容色落景無來人修江入天白

停停倚門念瑟瑟風雨夕何處泊扁舟迢遞湍波側秋
歸舊窻竹永夜一淒寂吟爾鵲鴿篇中宵慰相憶

贈方處士

白衣方外人高閒溪中鶴無心戀稻梁但以林

一作雲泉

樂赤霄終得意天池俟飛躍歲晏入帝鄉期君在寥廓

秋怨

一作悲

瑟瑟涼海氣西來送愁容金風死綠蕙玉露生寒松所

思在滇一作冥碧無因一相逢登樓睇去翼目盡滄波重

虛窻度流螢斜月啼幽蛩疎紅落殘艷冷水凋芙蓉歲暮空太息年華逐遺踪凝情耿不寐攬涕起疎慵

感春

春情不可狀豔豔令人醉暮水綠楊愁深窻落花思吳宮新暖日海燕雙飛至秋一作愁思逐煙光空濛滿天地

山中秋夕

抱琴出南樓氣爽浮雲滅松風吹一作吟天簫竹路踏碎

月後山鶴唳定前浦荷香發境寂良

一作長

夜深了與人

間別

將遊羅浮登廣陵楞伽臺別羽客

清遠登高臺晃朗縱覽歷濯泉喚仙風於此盪靈魄冷

光邀

一作激

遠目百里見海色送雲歸蓬壺望鶴滅秋碧

波瀾收日氣天自

一作上

回澄寂百越落掌中十洲點空

白身居飛鳥上口詠玄元籍飄如出塵籠想望吹簫客

冥冥人間世歌笑不足惜竭來羅浮巔披雲煉瓊液謝

公雲岑興可以躡高跡吾將抱瑤琴絕境縱所適

盧溪道中

曉發潺湲亭夜宿潺湲水風篁掃

一作拂

石瀨琴聲九十

里光奔覺來眼寒落夢中耳曾向三峽行巴江亦如此

湖中古愁三首

涼風西海來直渡洞庭水脩脩木葉下白浪連天起蘅

蘭委皓雪

一作霜

百草一時死摧殘負志人感歎何窮已

昔我覩雲夢窮秋經汨羅靈均竟不返怨氣成微波奠

桂開古祠朦朧入幽蘿落日瀟湘上淒涼吟九歌
南雲哭重華水死悲二女天邊九點黛白骨迷處所朦
朧波上瑟清夜降北渚萬古一雙魂飄飄在烟雨

別狄佩

梁公玄孫
旅於南國

翠竹不著花鳳雛長忍飢未開丹霄翮空把碧梧枝聖
人奏雲韶祥鳳一來儀文章耀白日衆鳥莫敢窺鬱抑
不自言凡鳥何由知當看九千仞飛出太平時

一作
苑柳

古鏡

明月何處來朦朧在人境得非軒轅作妙絕世莫竝瑶

匣開旭日白電走孤影泓澄一尺天徹底寒

涵一作

霜景

冰輝凜毛髮使我肝膽冷忽驚行深幽面落九秋井雲

天入掌握爽朗神魂

一作

淨不必負局仙金沙發光炯

陰沈蓄靈怪可與天地永恐為悲龍吟飛去在俄頃

我思何所在

我思何所在乃在陽臺側良宵相望時空此明月色歸

魂泊湘雲飄蕩去不得覺來理舟楫波浪春湖白煙光

浩

一作皓

楚秋瑤草不忍摘因書天末

一作莫

心繫此雙飛

翼

送蕭綰之桂林

時羣玉遊豫章

蘭香

一作江

佩蘭人弄蘭

一作三弄

蘭江春爾為蘭林

一作陵

秀

芳藻驚常倫燦燦鳳池裔一毛今再新竹花不給口憔悴

清湘濱一朝南溟飛彩翮不可親蒼梧雲水晚離思

空凝顰

一作嘖

我亦縱煙樞西浮彭蠡津丈夫未虎變落

魄甘風塵大禹惜寸陰況我無才身流光銷道路以此

生嗟辛萬里濶分袂相思杳難申桂水秋更碧寄書西
上鱗

感興四首

子雲吞白鳳遂吐大玄書幽微十萬字枝葉何扶疎婉
孌猛虎口甘言累其初一覩美新作斯瑕安可除

昔竊不死藥奔空有

一作
二

嫦娥

一作
姮

娥盈盈天上豔孤潔

棲金波織女了無語長宵隔銀河軋軋揮素手幾時停

玉梭

洞房三五夕金釭凝焰滅美人抱雲和斜倚紗窗月沈
吟想幽夢闈思深不說弦冷玉指寒含顰待一作明發

朔雁

一作雁口

銜邊秋寒聲落燕代先驚愁人耳顏髮潛消

改凝雲蔽洛浦夢寐勞光彩天邊無書來相思淚成海

將之吳越留別坐中文酒諸侶

秋色滿水國江湖興蕭然氛埃斂八極萬里淨澄鮮淞

浦縱孤擢吳門渺三千迴

一作迴

隨衡陽雁南入洞庭天

早聞陸士龍矯掌跨山川非思鱸魚膾且弄五湖船暝

泊遠浦霞曉飯蘆洲煙風流訪王謝佳境恣洄公霜剪

別岸柳香枯北池蓮歲華坐搖落寂寂一作感感流年明

朝即漂萍離恨一作感無由宣相思空江上何處金波圓

大雲池泛舟第五句缺三字

九月蓮花死萍枯霜水清船浮天光遠擢拂翠瀾輕古
木了無煙靄生游鱗泳皎潔洞見逍遙情漁父

一曲歌滄浪遂知名未知斯水上可以濯吾纓

送友人之此下一本有巫字峽

東吳有賦客願識陽臺仙彩毫飛白雲一作雪不減郢中

篇楚水五月浪輕舟入暮烟巫雲多感夢桂檝早回旋

登宜春醉宿景星寺寄鄭判官兼簡空上人

曉發碧水陽暝宿金山寺松風灑寒雨浙瀝醒餘醉夜

中香積飯蔬粒俱一作具精異境寂滅塵愁神高得詩思

皎皎滎陽子芳春富才義漲海豁心源水壺見門地碧

霄有鳩一作鴻一作鳩序未展聯行翅俱一作但笑一尺繩三年

絆騏驥推藏擔簦客一作容鬱抑胸襟事名業爾一作雨未

從臨風嘿舒志

一作氣

一身渺

一作眠

雲嶺中夜空涕泗側

枕對孤鐙衾寒不成寐糧薪極桂玉大道生榛刺耻息
惡木陰難書劍歌意揚鞭入莽蒼山驛凌烟翠越鳥日
南飛芳音願相次

江樓獨酌懷從叔

水國發爽氣川光靜高秋酣歌金尊醪送此清風愁楚
色忽滿目灘聲落西樓雲翻天邊葉月弄波上

一作中 鈞

芳意長

一作張

搖落蘅蘭謝汀洲長吟碧雲合悵望江之

幽

登章華樓

楚子故宮地蒼然雲水

一作木

秋我來覽從

一作後

事落景

空生愁伯業沒荆棘雄圖成古丘沈吟問鼎語但見東
波流征鴻引鄉心一去何悠悠晴湖碧雲晚暝色空高
樓迢遞趨遠嶠微茫入孤舟空路不堪望西風白浪稠

驄馬

浮雲何權奇絕足世未知長嘶清

一作青

海風蹀躞振雲

絲由來渥注種本是蒼龍兒穆滿不再活無人崑閬騎

若

一作君

識躍嶠

一作躡

怯寧勞耀金羈青鳥與白水空笑

駑駘肥伯樂倘一見應驚耳長垂當思八荒外逐日向

瑤池

贈方處士兼以寫別

天與雲鶴情人間恣詩酒龍宮奉採覓瀕洞一千首清
如南薰絲韻若黃鍾吼喜於風騷地忽見陶謝手籍籍
九江西篇篇在人口芙蓉為芳菲未落諸花後所知心

眼大別自開戶牖才力侶風鵬誰能算一作弄升斗無營

一作云傲雲竹琴帙靜為友鸞鳳戢羽儀騏驥在郊藪鏡

湖春水綠越客憶歸否白衣四十秋逍遙一何久此身

無定跡又逐浮雲走離思書不窮殘陽落江一作紅柳

湘西寺霽夜

雨過瑠璃宮佳興浩清絕松風冷晴灘竹路踏碎月月

波蕩如水氣爽星朗滅皓夜千樹寒一作霜崢嶸萬巖雪

後山鶴唳斷前池荷香發境寂涼夜深神思空飛越

傷思

八月白露濃芙蓉抱香死紅枯金粉墮
寥落寒塘水西風團葉下疊穀參差起
不見擢歌人空垂綠房子

送鄭京昭之雲安

君吟高唐賦路過巫山渚莫令巫山下
幽夢惹雲雨往

事幾千年芬菲

一作芳

今尚傳空留荆王館巖嶂深蒼然

楚水五月浪輕舟入蘋煙送君揚楫去
愁絕郢城篇

送處士自番禺東遊便歸蘇臺別業

啞軋暮江上櫓聲搖落心宛陵三千里路指吳雲深尊

菜動歸興忽然聞會吟南浮龍川一作舟月東下敬亭岑

多君一作道咏一作吟逍遙結蘿碧溪陰高籠華表一作亭鶴

靜對幽蘭琴汗漫江海思傲然抽冠簪歸嶼一作嶼未云

寂還家一作許應追尋二陸文苑秀岩堯懷所欽惜我入

洛晚不睹雙南金江左風流盡名賢成古今送君無限

意別酒但加斟

法華微上人盛話金山境勝舊遊在目吟成此

篇

江上青蓮宮人間蓬萊島烟霞與波浪隱映樓臺好潮

門

一作朝聞

梵音靜海天光

一作風

早願與靈鷲人吟經此

終老

洞庭入澧江寄巴丘故人

四月桑半枝吳蠶初弄絲江行好風日燕舞輕波時去
事旋成夢來歡難預期唯憑東流水日夜寄相思

自澧浦東遊江表途出巴丘投員外從公虞

短翮後飛者前攀鸞鶴翔力微應萬里

一作點

矯首空蒼

蒼誰昔探花源考槃西岳

一作丘

陽高風動商洛綺皓無

馨香一朝下蒲輪清輝照巖廊孤醒立衆醉古道何由

昌經術震浮盪國風掃齊梁文襟即玄圃筆下成琳琅

霞水散吟嘯松筠奉琴觴冰壺避皎潔武庫羞

一作差鋒

鋌小子書代耕束髮頗自強艱哉水投石壯志空摧藏

十年侶龜魚垂頭在沅湘巴歌揜白雪鮑肆埋蘭芳騷

雅道未喪

一作消

何憂名不彰飢寒束困厄默塞飛星霜

百志不成一東波擲年光塵生脫粟甑萬里違高堂中
夜恨火來焚燒九回腸平明梁山淚緣枕霑匡牀依泊
洞庭波木葉忽已黃哀砧擣秋色曉月啼寒螿復此櫂
孤舟雲濤浩茫茫朱門待媒勢一作贊短褐誰揄揚仰羨
野陂鳧無心憂稻粱不如天邊雁南北皆成行男兒白
日間變化未可量所希困辱地剪拂成騰驤咋筆話肝
肺詠茲枯魚章何由首西路目斷白雲鄉

洞庭驛樓雪夜讌集奉贈前湘州張員外

第十
二句

下缺
八字

昔與張湘州閒登岳陽樓目窮衡巫表興盡荆吳秋擲
筆落郢曲巴人不能酬是時簪裾會景物窮冥搜誤忝
璫筵秀得陪文苑遊幾篇雲楮上風雨沈銀鈎

滄洲童兒待郭伋竹馬空遲留路指雲漢

津誰能吟四愁銀壺傲海雪青管羅名謳賤子迹未安
謀身拙如鳩分隨烟霞老豈有風雲求不逐萬物化但
貽知己羞方窮立一作力命說戰勝心悠悠不然蹲會稽

鈎下三

一作二

五牛所期波濤助燁赫呈吞舟

一本自童兒以下另

為一首題

作滄洲

送鄭子寬棄官東遊便歸女几

八月湖浸天揚帆入秋色岷岷雪氣來寒漲瀟湘碧子
真冥鴻志不逐籠下翼九女疊雲屏於焉恣栖息新詩

山水思靜入陶謝格

一作室

困

一作因

醉松花春追攀紫烟

客相逢十年舊嘖笑等歡懺一飯玉露蔬

一作錄

中腸展

堆積停食不盡意傾意

一作景

悵可惜雲水一分飛離憂

洞庭側迴車三鄉路仙菊正堪摘寄謝杜蘭香何年別

張碩

長沙九日登東樓觀舞

南國有佳人輕盈綠腰舞華筵九秋暮飛袂拂雲雨翩

如蘭茗翠

一作緩如
祥烟泛

婉如一作若

游龍舉越豔罷前溪吳

姬停白紵

慢態不能窮繁姿曲向終低回蓮破

一作簾
一作被

浪凌亂雪

縈風墜珥時流盼修裾欲遡空唯愁捉不住飛去逐鷺

鴻

龍山人惠石廩方及團茶

客有衡岳隱遺余石廩茶自云凌烟露采掇春山芽珪
璧相壓疊積芳莫能加碾成黃金粉輕嫩如松花紅鑪
爨霜枝越兒斟井華灘聲起魚眼滿鼎漂清霞凝澄坐
曉鐙病眼如蒙紗一甌拂昏寐襟鬲開煩拏顧渚與方
山誰人留品差持甌默吟味搖膝空咨嗟

宿鳥遠峽化

一作北

臺遇風雨

孤鶴長松顛獨宿萬巖雨龍湫在石脚引袂時一取驚
風折喬木飛焰獵窓戶半夜霹靂聲高齋有人語

岳陽春晚

不覺春物老塊然湖上樓雲沙鷓鴣思風日沅湘愁去
翼滅雲夢來帆指昭丘所嗟芳桂晚寂寞對汀洲

漢陽春晚

漢陽抱青山飛樓暎湘渚白雲蔽黃鶴綠樹藏鸚鵡憑
高送春日一作流恨傷千古遐思一作禰衡才令人怨

黃祖

將離澧浦置酒野嶼奉懷沈正字昆弟三人聯

登高第

春月

一作日

三改兔花枝成綠陰年光東流水浩歎傷羈

心酌桂烟嶼晚鳩

一作題

鳴江草深良圖一超忽萬恨空

相尋上國刈

一作列

翹楚才微甘陸沈無鎧假貧女有淚

沾牛衾衡岳三麒麟各振黃鍾音卿雲被文彩芳價搖

一作傾

詞林夫子芸閣英養鱗湘水潯晴沙踏蘭菊隱几

當青岑明月一作日洞庭上悠揚挂離襟停觴一搖筆聊

寄生芻吟

湘中別成威閣黎

至哉彼上人冰霜凜規則遊心杳何境宴坐入冥默解
空與密行名臘信崇德吐論駕秋濤龍宮發胸臆羣迷
行大夜浩浩一昏黑赤水千丈深玄珠幾人得持栝挹
一作泥溟漲至理安可測寧假喻芭蕉真成嗅蒼筤松聲
掃白月霽夜來靜域清梵罷法筵天香滿衣襟一作袂何

方濟了岸祇仗慈航力願與十八賢同棲翠蓮國

別尹鍊師

吾家五千言至道懸日月若非函谷

一作關

令誰注流沙

說多君飛昇志機悟獨超拔學道玉笥山燒丹白雲穴
南窮衡疑秀采藥歷幽絕夜卧瀑布風朝行碧巖雪洞
宮四百日玉籍恣探閱徒以菌蟪姿緬攀修真訣塵籠
罩浮世遐思空飛越一罷棋酒歡離情滿寥汰願騎紫
蓋鶴早向黃金闕城市不可留塵埃穢仙骨

飯僧

好讀天竺書為尋無生理焚香面金偈一室唯巾几交

信方外言

一作所交
信方外

二三空門子峻範照秋霜高標揜

僧史清晨潔蔬茗延請良有以一落喧譁競

一作
競塗

栖心

願依止奔曦入半百冉冉頽濛汎雲汎名利心風輕

一作

經是非齒向

一作
尚

為情愛縛未盡金仙旨以靜制猿心

將虞瞥然起綸巾與藜杖此意真已矣他日雲壑間來

尋幽

一作
龐

居士

贈回雪

回雪舞縈盈縈盈若回雪腰支一把玉祇恐風吹折如
能買一笑滿斗量明月安得金蓮花步步承羅襪

將之京國贈薛員外

黃葉下空館寂寥寒雨愁平居歲華晏絡緯啼林幽節
物凋壯志吐嗟不能休空懷趙鞅歎變化良無由所思
杳何如側身仰一作望皇州蒼烟晦楚野寒浪埋昭丘趙
壹賦命薄陳思多世憂翻然羨魚鳥暢矣山川遊薛公

龍泉姿其氣在斗牛南冠束秀

一作秃

髮白石勞悲謳圭

袞照宗閎

一作閎

文儒嗣箕裘曠然方寸地霽海浮雲舟

澧浦一遺佩郢南再悲秋叫閭路既阻浩蕩懷靈修莫

奏武溪笛且

一作是

登仲宣樓亨通與否閉物理相沈浮

天子坐宣室夔龍奉謨

一作謀

猷行當賜環去豈作遺賢

羞

送魏珪覲省

木落楚

一作秋

色深風高浪花白送君飛一葉鳥逝入空

碧倚歟白華秀傷心倚門夕不知雲漲遙萬里看咫尺

蕭蕭青楓岸去揜江山

一作上

宅離觴有黃花節物助淒

戚瀟湘入濡桂一路縈水石煙蘿拂行舟玉瀨鏘枕席

多君林泉趣耽翫日成癖長嘯凌清暉襟情當雪

一作當空

滌登龍屈指內飛譽甚籍籍未折月中枝寧隨宋都鷗

曰

一作日

余吞聲地舉足傷瓦礫見爾一開顏溫明乃珠

壁春風到雲嶠把酒時相憶豈蕊花入船鷓鴣啼送客

颺天與瘴

一作瘴

海此去備公歷珍重春官英加餐數刀

帛

始忝四座奏狀聞薦蒙恩授官旋進歌詩延英
宣賜言懷紀事呈同館諸公二十四韻

兩鬢有二毛光陰流浪中形骸日土木志氣隨雲風冥
默楚江畔蕭條林巷空幽鳥事翔翥斂翼依蒿蓬一飯
五放箸愀然念途窮孟門在步武所向何由通祇徵一作

徵諸大易言物否不可終庶期白雪調一奏驚凡聾昨忝

丞相召揚鞭指冥鴻姓名挂丹詔文句飛天聰解薜龍

鳳署懷鉛蘭桂叢
聲名仰聞見烟漢
陪高蹤
我我羣玉
山肅肅紫殿東
神飈泛鐘漏
佳氣浮筠松
自顧珉珠璞
何緣侶圭琮
羣賢垂重價
省已增磨礪
天子棲穆清
三台付夔龍
九霄降雨露
萬國望時雍
巍巍致君期
勛華將比崇
承天四柱石
嶷若窺衡嵩
日見帝道昇
謀猷垂景鍾
寰瀛納壽域
翔泳皆冲融
百神儼云亭
佇將告成功
吾徒事文藻
驥首歌登封

穆天子

穆滿恣逸志而輕天下君一朝得八駿逐日西溟瀆寂

漠一作寒崦嵫幽絕迹留空文三千闕一作閉宮豔怨絕寧

勝云或言帝軒轅乘龍凌紫氛橋山葬弓劍暖一作冥昧

竟難分不思五弦琴作歌詠南薰但聽西王母瑤池吟

白雲

廣州重別方處士之封川久約同遊羅浮期素秋而行

楚國傲名客九州徧芳聲一作馨白衣謝簪紱雲卧重巖

扁長波飛素舸五月下南溟大笑相逢日天邊作酒星

七一作十年一雲雨常恨輝容隔天末又分襟離憂鬢堪

白願回凌一作陵潮檝且著登山屐共期羅浮秋與子醉

海色

洞庭遇秋

塵愁老來顏久與江山一作上隔道遙澄湖上洗眼見秋

色涼波弄輕擢湖一作湘月生遠碧未減遙客情西望杳

何極

寄短書歌

骨肉萍蓬各天末十度附書九不達孤臺冷眼無來人
楚水秦天莽空濶翔雁橫秋過洞庭西風落日浪崢嶸
三年音信凝顰外一曲哀歌白髮生

王內人琵琶引

皓 翻
以下缺

檀槽一曲黃鍾羽細撥紫雲金鳳語萬里胡天海塞秋
分明彈出風沙愁三千宮嬪推第一斂黛傾鬟豔蘭室
羸女停吹降浦簫婦一作帝娥淨揜空波瑟翠幕橫雲蠟
燄光銀龍吐酒菊花香皓魄一作腕翻

醒起獨酌懷友

西風靜夜吹蓮塘芙蓉破紅金粉香
摘花把酒弄秋芳
吳雲楚水愁茫茫美人此夕不入夢
獨宿高樓明月涼
競渡時在湖外偶為成章

雷奔電逝三千兒彩舟畫檝射初暉
喧江雷鼓鱗甲動
三十六龍銜一作衝浪飛靈均
昔日投湘死千古沈魂在

湘水綠一作荒

草斜

一作寒

烟日暮時笛聲幽遠

一作怨

愁江

鬼

御定全唐詩卷五百六十八


謹案卷五百六十四第五頁前七行仲宣徒有歎
刊本宣訛宜據別本改

卷五百六十六第七頁前一行成文訝筆遲二行
過鴈悞書遲遲字複韻係訛

卷五百六十七第二頁後五頁籠山絡野張置維
按別本籠山作弋徒

第六頁後五行兩君相見望賢宮刊本宮訛頓據
別本改





總校官庶吉士 臣 張能照

校對官檢討 臣 蕭九成

謄錄監生 臣 王元勛